

खाट्टु माहि बैठ्यो सांवरो सारो खेल रचावे है

तर्ज – चाँद सितारे फूल और खुशबु

कीड़ी ने कण हाथी ने मण,
सगलो हिसाब चुकावे है,
खाट्टु माहि बैठ्यो सांवरो,
सारो खेल रचावे है,
खाट्टु माहि बैठ्यो सांवरो,
सारो खेल रचावे है.....

जो जल में रेवे जीव जंतु,
वे जल में सब कुछ पावे है,
जो रवे हैं ई धरती पर,
वेई धरती सु पावे है,
ज्यारी जितनी चोंच होवे,
ज्यारी जितनी चोंच होवे,
बितणो ही चुगो चुगावे है,
खाट्टु माहि बैठ्यो सांवरो,
सारो खेल रचावे है.....

सरकारा तो है देखी घणी,
पर या सरकार अनोखी है,
इने नोट वोट ना कुरसी चाहे,
चाहे भावना चोखी है,
कठपुतलियां हाँ इन हाथा री,
कठपुतलियां हाँ इन हाथा री,
यो ही नाच नचावे है,
खाट्टु माहि बैठ्यो सांवरो,
सारो खेल रचावे है,
खाट्टु माहि बैठ्यो सांवरो,
सारो खेल रचावे है.....

बगुला रो भोजन मछली मांस,
और हंस तो मोती खावे है
और जैसो हो स्वभाव जियांको,
वैसी बोली पावे है,
रंग एक है काग कोयल रो,
रंग एक है काग कोयल रो,
वाणी भेद बतावे है,
खाट्टु माहि बैठ्यो सांवरो,
सारो खेल रचावे है,
खाट्टु माहि बैठ्यो सांवरो,
सारो खेल रचावे है.....

कीड़ी ने कण हाथी ने मण,
सगलो हिसाब चुकावे है,
खाटु माहि बैठयो सांवरो,
सारो खेल रचावे है,
खाटु माहि बैठयो सांवरो,
सारो खेल रचावे है.....

<https://bhajanganga.com/bhajan/lyrics/id/32281/title/khatu-mahi-baithyo-sanwro-saro-khel-rachave-hai>

अपने Android मोबाइल पर [BhajanGanga](#) App डाउनलोड करें और भजनों का आनंद ले |